

ऽआसा॒लं भ॒क्षा॒य त॒स्मादे॒तानि॒ नाना॒दे॒व॒त्यानि॒ स॒न्ति वा॒य॒व्यानी॒त्याच॒क्षते॒ सो
 ऽस्यै॒ष प्रथ॒मव॒षट्कार॒श्च सो॒मस्य॒ राज्ञ॒ एता॒न्यु॒ऽएनेन॒ पा॒त्रा॒ण्याच॒क्षते ॥ १० ॥ इन्द्रो
 ह वा॒ऽईक्षां॒ च॒क्रे । वा॒युर्वै नो॒ऽस्य॒ यज्ञ॒स्य भू॒यिष्ठ॒भाग्य॒स्य प्रथ॒मव॒षट्कार॒श्च सो॒म-
 स्य॒ राज्ञ॒ एता॒न्यु॒ऽएनेन॒ पा॒त्रा॒ण्याच॒क्षते ह॒न्तास्मि॒न्नपि॒वमि॒हाऽइति ॥ ११ ॥ स॒ हो-
 वाच । वा॒यवा॒ मास्मि॒न्य॒हे भ॒जेति॒ किं त॒तः स्या॒दिति॒ निरु॒क्तमे॒व वा॒ग्वदे॒दिति
 निरु॒क्तं चे॒द्वाग्व॒देदा॒ वा भ॒जामी॒ति त॒त ए॒ष ऐ॒न्द्रवा॒यवो॒ ग्र॒हो॒ऽभव॒द्वाय॒व्यो ह॒ैव
 त॒तः पुरा ॥ १२ ॥ स॒ इन्द्रो॒ऽब्रवीत् । अ॒र्धं मे॒ऽस्य॒ ग्र॒हस्ये॒ति तुरी॒यमे॒व त॒ऽइति
 वा॒युर्ध॒र्मे॒व म॒ऽइती॒न्द्रस्तु॒रीयमे॒व त॒ऽइति॒ वायुः ॥ १३ ॥ तौ प्र॒जाप॒तिं प्र॒तिप्र॒श्न-
 मे॒यतुः । स॒ प्र॒जाप॒तिर्ग्र॒हं द्वे॒धा च॒कार स॒ होवा॒चेदं॒ वायो॒रित्य॒थ पुन॒र्धं द्वे॒धा च-
 कार॒ स॒ होवा॒चेदं॒ वायो॒रिती॒दं तवे॒तीन्द्रं॒ तुरी॒यमे॒व भा॒जयां॒ चकार॒ यद्वै च॒तुर्थं
 तत्तु॒रीयं॒ तत ए॒ष ऐ॒न्द्रतु॒रीयो॒ ग्र॒हो॒ऽभवत् ॥ १४ ॥ त॒स्य वा॒ऽएत॒स्य॒ ग्र॒हस्य॒ । द्वे
 पुरो॒रुचौ॒ वा॒यव्यै॒व पूर्वे॒न्द्रवा॒यव्यु॒त्तरा॒ द्वे॒ऽअनु॒वाक्ये॒ वा॒यव्यै॒व पूर्वे॒न्द्रवा॒यव्यु॒त्तरा
 द्वौ प्रै॒षौ वा॒यव्य॒ एव॒ पूर्वं ऐ॒न्द्रवा॒यव॒ उत्त॒रो द्वे॒ या॒ज्ये वा॒यव्यै॒व पूर्वे॒न्द्रवा॒यव्यु॒-
 त्तरै॒वमे॒नं तुरी॒यं-तु॒रीयमे॒व भा॒जयां॒ चकार ॥ १५ ॥ स॒ होवाच । तुरी॒यं-तु॒रीयं॒ चे-
 न्मा॒मब्री॒भजु॒स्तु॒रीयमे॒व त॒र्हि वा॒ङ्मि॒रुक्तं॒ वदि॒ष्यती॒ति तदे॒तत्तु॒रीयं॒ वाचो॒ निरु॒क्तं
 य॒न्मनु॒ष्या व॒दत्य॒थैत॒त्तु॒रीयं॒ वाचो॒ऽनिरु॒क्तं य॒त्पश॒वो व॒दत्य॒थैत॒त्तु॒रीयं॒ वाचो॒ऽनि-
 रु॒क्तं य॒द्वया॒ऽसि व॒दत्य॒थैत॒त्तु॒रीयं॒ वाचो॒ऽनिरु॒क्तं य॒दिदं॒ क्षु॒द्रं स॒रीसृ॒पं व॒दति ॥ १६ ॥
 त॒स्मादे॒तद॒पिणा॒भ्यनू॒क्तम् । च॒त्वारि॒ वाक्प॒रिमि॒ता प॒दानि॒ तानि॒ वि॒डुर्ब्रा॒ह्मणा॒ ये
 म॒नीषि॒णः । गु॒ह्या त्री॒णि नि॒हिता॒ ने॒ङ्गय॒न्ति तुरी॒यं वाचो॒ मनु॒ष्या व॒दन्ती॒ति ॥ १७ ॥
 अथा॒तो गृ॒ह्णात्ये॒व । आ॒ वायो॒ भूष॒ शुचि॒पा उप॒ नः स॒हस्रं॒ ते नि॒युतो॒ विश्व॒वा-
 र । उपो॒ तेऽअ॒न्धो म॒द्यम॒यामि॒ यस्य॒ देव॒ दधि॒षे पूर्॒वपे॒यं वा॒यवे॒ त्वेति ॥ १८ ॥ अ-
 थाप॒गृह्य॒ पुन॒रान॒यति । इन्द्र॒वायू॒ऽइमे॒ सुता॒ उप॒ प्र॒योभि॒रागत॒म् । इन्द्र॒वो वा॒मु-